



Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Iuris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

XXVI. Differentia 11. Ad Ecclesiam confugiens secundùm Canones non
debet extrahi, nisi sit publicus latro, vel nocturnus agrorum depopulator,

[urn:nbn:de:hbz:466:1-61864](#)

XXVI.

DIFFERENTIA III.

Ad Ecclesiam confuziens secundum Canones non debet extrahi, nisi sit publicum latro, vel nocturnus agrorum depopulator, c. Inter alia, de immunitate Ecclesie. Secundum leges autem excipiuntur etiam homicidae, adulteri, & raptores virginum. Auth. de mandatis Principum, c. 5. & 7.

Bartol. 22. Ioann. Bapt. à S. Blasio 184.

Canis. 19.

I. EX potioribus hæc Differentia est, in qua sacerdotalium legum major, quam sacrarum cernitur, contra flagitiosos severitas, Homicidis, adulteris, virginum raptoribus in Auth. de mand. Princ. c. 7. sacerdotum locorum tutela negatur. Non enim (hæc ratio additur) talia delinquentibus parcere competit, sed hoc patientibus, ut non talia à præsumptoriis patientur. Deinde templorum cauta non nocentibus, sed læsis datut à lege.

At. Inter alia, de immunitate Ecclesie, ita sanctius legimus: Si liber quantumcumque gravia maleficia perpetraverit, non est violenter ab Ecclesia extraheendus, nisi publicus latro fuerit, vel nocturnus depopulator agrorum, vel in ipso Ecclesiæ orario conculsus immunitate crimen patraret. Quæ exceptiones firmant regulam in aliis, atque ita communiter DD. Abb. in. Inter alia, n. 14. Covarr. l. 2. Variar. c. 20. n. 3. Angel. & Silv. in V. Immunitas. Suar. Tom. V. disp. 23. Vallenf. l. 3. tit. 49. Layman l. 4. Tract. 9. c. 3. B. erius decis. 109. Zerola Part. 1. v. Imm. eccl. Quocirca hic Juris civilis constitutio deferenda, & Ecclesiæ

retinenda moderatio est etiam in fato sacerdotali, quia facit ad honorem & reverentiam locis sacris conciliandam; quæ cura ad Ecclesiæ prælatos cum primis spectat. Unde ipsorum decreta præfenda sunt, juxta communem Interpretationem senilium. Imela, Abb. Fulgosi, Alexand. Choffan. & alii apud Covarr. l. cit. Pias. in Praxi episc. Part. 2. c. 4. n. 55.

II. Merito propterea Damhouderus vapulat, qui in Praxi crim. c. 106. n. 12. Ecclesiæ mansuetudinem, ut nimis laxam, maleficiis ac facinotolis plus æquo faventem accularat; unde elabendi occasio & impunitas reis præbeat, magna justitia & remora, & dilatio progignatur: ob quam non semel supplicio dignissimi elapsi sint; ideoque ejusmodi jura minimè servanda esse. Cui etiam suffragatur, vel præivit potius Joann. Faber in §. fin. Inst. de iis, qui sunt sui, vel al. iuri. Verum ejusmodi Aristarchis aliud nihil reponendum senteo, quam quædam ex Ecclesiæ immunitate proveniunt, non ipsi, sed improborum hominum malitia tribuenda esse.

E 2 XXVII. DIF.